



Inatsisartunut ilaasortaq, Anders Olsen, Siumut

/maani

Mittarfiit pillugit § 37 naapertorlugu apeqquteqaammut 2021-087-imut akissut

19-07-2021

Sags nr.: 2021 - 12853

Id. nr. 65976317

Asasara Anders Olsen

Inatsisartut suleriaasianni § 37 naapertorlugu Naalakkersuisunut Kalaallit Airports A/S (KAIR) pillugu apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1) Nuummi llulissanilu mittarfissat naatsorsuutigisamiit 900 mio. kr.-inik akisunerunerat, Qaqortumilu mittarfissap naatsorsuutigisamit aamma akisunerunera nunatta aningasaqarnera eqqarsaatigalugu, Naalakkersuisut qanoq isumaqarfigaat?

Akissut: Unammilligassaq taanna Naalakkersuisuni Inatsisartunilu isumagisariaqarparput. Nuummi llulissanilu mittarfilianut tunngatillugu 900 millioner koruunit taakkua Kalaallit Airports A/S-ip taarsigassarsitinneqarneratigut aningaasalorsorneqassapput, taamaakkaluortorli "Mittarfiliortiterterit aamma Kalaallit Airports International A/S-ip aningasaatinut aningaasaliiffigeqqinnejarnissamut pisariaqartitsinera pillugu nassuaat"-mi allaatigineqartutut, tamanna nunatta karsianut siunissami negativimik kinguneqassaaq. Qaqortumi mittarfissamut aningaasartutuissat nunatta karsianit aningaasalorsorneqassapput, taamaalillunilu ataatsimoorussamik unammillernassallutik. Naalakkersuisut naatsorsuutigaat, aaqqiissutissamik nunatsinnut pitsaanerpaamik nassaarniarnissaq politikkikku annertuumik isumaqatigineqassasoq.

Apeqqut 2) Naalakkersuisut Inatsisartunut sorleq innersuussutiginiarpaat unikaallatsinneqarnissaat, naalinissaat imaluunniit tamarmik ingerlatiinnarneqarnissaat?

Akissut: Naalakkersuisut aallaqqaammut mittarfiliortiterriessat pillugit misissueqqissaarnernik nutaanik Inatsisartut suleqatigalugit aallartitsipput, qaammarsaaviusumik tunngaveqarluni aalajangiisoqarnissaa anguniarlugu. Misissueqqissaarnerit piareerpata Inatsisartut ilisimatinneqarumaarput. Aammattaaq takuuk "Mittarfiliortiterterit aamma Kalaallit Airports International A/S-ip aningasaatinut aningaasaliiffigeqqinnejarnissamut pisariaqartitsinera pillugu nassuaat". Maanna mittarfiit sanaartorneqarlutik aallartinneqareersut unitsinneqarnissaat pilersaarutigineqanngilaq.

Apeqqut 3) Nuummi llulissanilu mittarfissat 900 mio. kr.-inik naatsorsuutigisamiit akisuneruneri KAIR-imut Naalakkersuisuniillu qanga ilisimaneqalerpa 900 mio. Kr.-inik akisunerussasut?

Akissut: Maanna Naalakkersuisusut ivertinneqarnissaat sioqqullugu paasissutissat tamanit ilisimaneqareerput. Aammattaaq "Mittarfiliortiternerit aamma Kalaallit Airports International A/S-ip aningaasaatinut aningaasaliiffigeqqinnejarnissamut pisariaqartitsinera pillugu nassuaat" innersuussutigineqarpoq.

Apeqqut 4) Akisunerunerannut pissutaatinneqartut Naalakkersuisunit sannaartugassap pilersaarusiornnerata inerniliivigineqarnerani siumut ilimagineqareersimasinnaangillat?

Akissut: Sanaartornermut akitsorsaataasut aamma oqartussaasut piumasaqaataasa sakkortusineqarneri siumoortumik eqqoriarneqarsinnaasimannngillat, kisianni appasinnerusumik qaffasinnerusumillu akeqarnissaat isiginiarneqarlutik, naatsorsuutigisamit allatut pisoqassagaluarpat kingunissai misissoqqissaarneqarnikuupput Sanaartornerup nalaani ingerlatsinerup aallartisarneqarnissaanut aningaasanik immikkoortitsisoqarumaartoq qangali ilisimaneqarpooq. Aningaasanut kingullertut taaneqartunut tunngatillugu, "Mittarfiliortiternerit aamma Kalaallit Airports International A/S-ip aningaasaatinut aningaasaliiffigeqqinnejarnissamut pisariaqartitsinera pillugu nassuaat"-mmi allassimasutut, taakkunanna 900 millioniusunit 142,5 millionit pineqarput.

a) Taamaassimannngippat suna tamatumunnga pissutaava?

Akissut: Sanaartukkat nalorninartoqartuaannarput, aammalu nunarsuaq tamakkerlugu timmisartuussinermut isumannaallisaanerit ataatsimut isigalugit piumasaqaatit qaffannerini soorunami uagut aamma malinnaasariaqarpugut, naak tamanna sulianut akitsorsaataasinnaagaluartoq.

Apeqqut 5) Taamak annertutigisumik naatsorsuinerit nikingatillugit siunnersuinerlussimanermut kukkusumilluunniit naatsorsuisoqarsimaneranut inatsisitigut akisussaatitsisoqarsinnaava?

Akissut: Matumani siunnersuinerluttoqarsimmasimosq kukkusumilluunniit naatsorsuisoqarsimmasoq Naalakkersuisut isumaqassallutik tunngavissaqanngillat. Ilaatigut matumani oqartussaasut piumasaqaataasa allanngornerisa, inatsisit allanngornerisa tunngavissallu allanngornerisa kingunerisaat pineqarput. Siunnersortit aallaqqaammut taamaallaat sanaartornermut aningaasartuutissanik naliliinissamut qinnuigineqarsimapput, taamaattumillu piffissap sanaartorfiusup nalaani ingerlatsinermut aningaasartuutinut akitsorsaataasut sanaartornermut missingersuutinut ilaatinneqarsimanngillat.

Taamaattumik matumanerpiaq inatsisitigut kingunerisassanik soqanngilaq, tamannali pissappat KAIR International A/S-ip isumaqatigiissummut atsioqataasutut isumagisussaavai.

a) Taamaappat, kikkut akisussatinneqarsinnaappat?

Akissut: Apeqqut 5-imut akissut takuuq.

Apeqqut 6) Ilumoorpa Mittarfeqarfiiit Kangerlussuarmi ingerlatsinermi iluanaarutaat nuna tamakkerlugu mittarfinnut allanut matussuseeqataasartut?

Akissut: Aap, Kangerlussuaq aqqaarluq ilaasut akunnittut mittarfinnut akitsuutinik akiliisarnermikkut angallasseriaatsimi suliassaqarfinnut allanut taperseeqataasarnerat taamaattuaannarsimavoq, sulilu taamaalluni.

a) Tamanna qanoq ukiumut aningaasartaqarpa?

Akissut: Mittarfeqarfiiit suliffeqarfiuvoq imminnut ingerlattoq. Suliffeqarfik ukiuni arlalinni Nunap Karsianut akiliuteqartarnermigut ingerlatsinermi amigartoouteqartarsimavoq. Tassalu Mittarfeqarfiiit ukiut arlallit ingerlanerini Nunap Karsianut akiliuteqartarsimavoq. Oqaluttuarisaaneq eqqarsaatigalugu Mittarfeqarfinni suliat sinneqartoofiusartut amigartoouteqarfiusartullu akornanni taperseeqatigiissitsisoqartarpooq, ukiumit naatsorsuiffusumit ataatsimiit allamut assiginngitsunik amerlassusilinnik. Ilaatigut ingerlatseqatigiiffiup ukumi ataatsimi suliassaqarfinni akuersissuteqarfiusuni isertitatapeqqutaasarpoo, taamatullu suliassani akuersissuteqarfiusuni, soorlu akunnitarfink, kaffisorniartarfink, kioskinik, najugaqarfiiit sinnerini qatserisartoqarfink, umiarsualivinnik ingerlatsinermi allanilu isertitatigut tunngaviusut naatsorsukkanut ilaatinneqartarpoo.

Tassalu aningaasat amerlassusissarpiaat aalajangersarniarlugit misissuinerit annertunerusut pisariaqartinneqarput. Mittarfiliortiternerit inuiaqatigiit aningaasaqarnerannut kingunerisassaanik naliliinermut atatillugu taperseeqatigiissitsisarnerup ingerlasinnaaneranut naatsorsuinissamut tunngavissanik suliaqartoqarpooq. Taakku nalunaarusiami uani takuneqarsinnaapput: "Mittarfeqarfiiit – Mittarfiiit nutaamik aaqqissuuteqqinneranni ingerlatsinermi aningaaqarnermut kinguniusinnaasut", taannalu uani nassaarineqarsinnaavoq: <https://naalakkersuisut.gl/da/Naalakkersuisut/Naalakkersuisoqarfiiit/IANN/Mittarfiiataatsimoortut>

b) Ukiunilu qassini taamatut ingerlasoqarsimava?

Akissut: Naalakkersuisut oqaluttuarisaanermik paasinianernik suliaqarsimanngillat, kisiannili isumaqartoqarpooq 1992-imi Kangerlussuarmi Mittarfik Namminersornerullutik Oqartussanit tiguneqarmalli ukiut tamakkerlugit taamatut ingerlasoqarsimavoq.

c) Amigartoortit siunissami qanoq iliorluni matussuserniarneqassappat?

Akissut: Mittarfink aningaasaqarnermut ilaatigut aallartarnernit ilaasunillu isertitat, atuisunit aningaasalersorneqartut aallaavagineqarput. "Mittarfiliortiternerit aamma Kalaallit Airports International A/S-ip aningaasaatinut aningaasaliiffigeqqinnejarnissamut pisariaqartitsinera pillugu nassuaat"-mi aamma oqaatigineqartutut mittarfiiit amigartoorteqarfiusartut ingerlannejarnierinut Mittarfeqarfiiit kiffartuussinissamut isumaqatigiissuteqarfingineqarnissaat Naalakkersuisunit naatsorsuutigineqarpooq.

d) Mittarfiiit Nuummi Iluissanilu siunissami mittarfiiit sinnerisa amigaartoruutaat nammassavaat?

Akissut: Apeqqut 6c-mut akissut takuuq.

Apeqqut 7) Pilersaarutit atuuttut naapertorlugin mittarfiit tamarmik ingerlatiinnarneqassapput, nunatta aningaasaqarnerata tamanna nammassinnaavaa?

Akissut: Naalakkersuisut mittarfiliortiternerit immikkut aammalu mittarfiit ilusaat ataatsimut eqqarsaatigalugit aningaasaqarnermik misissueqqissaarnernik tapertaasussanik arlalinnik aallartitsisimapput.

Misissueqqissaarnermi immikkoortuisa siullit 2021-mi aggustimi piareernissaat naatsorsuutigineqarpoq, kiisalu inuiaqatigiit aningaasaqarnerannut kingunerisassanik naliliinerit iluarsisat kingusinnerusukkut piareernissaat naatsorsuutigineqarluni.

2018-imi inuiaqatigiit aningaasaqarnerannut kingunerisassanik naliliinerni oqaatigineqarpoq, mittarfiliortiternissat inuiaqatigiinni missingersuusiortarnermilu aningaasaqarneq eqqarsaatigalugu isumassarsiatsialasussaasut.

Inuiaqatigiit aningaasaqarnerannut kingunerisassanik naliliinerit inatsimmut oqaaseqaatini, siuliani Naalakkersuisuusut akuersissutigisaanni, nassuiarneqarput. Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiliup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaa nr. 4, 22. november 2018-imeersoq innersuussutigineqarpoq.

Misissueqqissaarnerni siullerni takutinneqarpoq, mittarfinni pingasuusuni taakkunani suliat ataasiakkaat imminnut akilersinnaassusii assigiinngitsuusut, tamannalu aamma paassisutissani nutaanerpaani naatsorsuutigineqarpoq. Naatsorsukkat nutaat assilissamik allamik takutitsissappata Inatsisartut akulerutsinnejnarumaarput.

Apeqqut 8) Suunukua timmisartut atorneqarnissaat eqqarsaatigalugit Qaqortumi mittarfissaq 1.500 miiterimut takissusilerneqartoq?

Akissut: Timmisartortitseqatigiiffit mittarfimmumt timmisartut qanoq ittut atorneqassanersut aalajangertarpaat.

Rambøll-ip paassisutissiissutigaa, 1.500 meterimik mittarfiliornermi timmisartut ATR 72-it imaluunniit Dash 8 Q-400-t ulikkaarlutik useqarlutik, tassalu 75-it missaannik ilaasoqarlutik Islandimut Islandimiillu timmisartorsinnaassapput. Tamatuma saniatigut aamma Islandimiit timmisartut sukkasuuliat 150-it missaannik ilaasoqarlutik mittarfimmumt timmisartorsinnaassapput.

Tamatuma saniatigut timmisartut, maanna nunatsinni angallannermi atorneqartut (Dash 8 Q-200) soorunami atorneqarsinnaassapput.

Erseqqissaatigineqassaaq, mittarfinnun timmisartut soorliit atorneqarsinnaanissaannik Rambøll naliliisimagaluarpaguluunniit, imaanngilaq taakku mittarfimmim atulerneqassasut. Timmisartortitseqatigiiffit, timmisartuutaallu apeqqutaapput.

- a) Timmisartut eqqarsaatigineqartut mittarfimmumt naannerusumut missinnaappat?

Akissut: Rambøll-ip paassisutissiissutigaa,

- Mittarfik 1.199 meterinik takissuseqarpat timmisartut ATR 72-it imaluunniit Dash 8 Q-400-t 55-70-it missaannik ilaasoqarlutik Islandimut Islandimiillu mittarfimmut timmisartorsinnaassasut. Timmisartut sukkasuuliat, 150-it tikillugit ilaasullit missinnaassanngitsut.
- Mittarfik 1.000 meterinik takissuseqarpat timmisartut ATR 42-it imaluunniit Dash 8 Q-200-t 30-37-t missaannik ilaasoqarlutik Islandimut mittarfimmut timmisartorsinnaassasut.
- Mittarfik 799 meterinik takissuseqarpat, timmisartunit ullumikkut tunisassiarineqartunit ikittuinnaat mittarfimmut missinnaassapput. Tamatuma saniatigut timmisartut ATR 42-it imaluunniit Dash 8 Q-200-t aningaasaqarnikkut imminut akilersinnaasunik ilaasoqarlutik Islandimiit toqqaannartumik timmisartuussisinnaassanngitsut.

**Apeqput 9) Qaqortumi 1.500 miiteriunissa pissutigalugu nunatta avataaniit
timmisartortitseqatigiiffinnik Qaqortumut angallassisalernissaminnik
neriorsuisoqarnikuua?**

Akissut: Naagga, timmisartortitseqatigiiffinnut avataaneersunut neriorsuisoqarsimanngilaq.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Naaja H. Nathanielsen